



Broj: 05-04-20-2709-5/21
Datum: 09.07.2021.godine

Na osnovu čl. 64. stav 1. tačka b) i 70. st. 1., 2., 3. i 6. Zakona o javnim nabavkama („Službeni glasnik BiH“, broj 39/14) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a na osnovu preporuke Komisije za javne nabavke navedene u Zapisniku o pregledu i ocjeni ponuda, broj 05-04-20-2709-4/21 od 06.07.2021. godine, u postupku javne nabavke „Nastavak izgradnje gradskog parka - izgradnja fontane i sportsko rekreacionih sprava i završetak popločavanja – III faza izgradnje „ Načelnik općine Maglaj, d o n o s i

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke, te se u predmetnom postupku javne nabavke „Nastavak izgradnje gradskog parka - izgradnja fontane i sportsko rekreacionih sprava i završetak popločavanja – III faza izgradnje, kao najpovoljnija, bira ponuda ponuđača **Konzorcij „Grizelj - Group“ d.o.o. Sarajevo i „Hajdić“ d.o.o. Maglaj**, u iznosu od **71.779,00 KM bez PDV-a, odnosno iznosu 83.981,43 KM sa uračunatim PDV-om.**

II

Izabrani ponuđač iz tačke I dužan je, u roku od pet dana od dana zaprimanja ove odluke, dostaviti dokaze koji su tenderskom dokumentacijom i Zakonom o javnim nabavkama utvrđeni kao dokazi koje je obavezan dostaviti izabrani ponuđač.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o pokretanju postupka broj: 05-04-20-2079/21 od 07.05.2021. godine pokrenut je postupak javne nabavke za izvođenje radova „Nastavak izgradnje gradskog parka - izgradnja fontane i sportsko rekreacionih sprava i završetak popločavanja – III faza izgradnje“.

Odabran je Otvoreni postupak za dostavu ponuda koji je objavljen na portalu javnih nabavki broj: 1140-1-3-37-3-18/21 od 07.05.2021. godine, ispravka obavještenja broj 1140-1-3-378-22/21 od 20.05.2021. godine i broj 1140-1-3-37-8-29/21 od 29.06.2021.godine, objavljeno u „Službenom glasniku BiH“ broj: 29/21 i broj: 32/21 i broj 41/21, iz razloga što je uložena

žalba na Tendersku dokumentaciju od ponuđača „Gradprom“ d.o.o. Srbac, zastupanog po punomoćniku advokatu Antić Mili iz Banja Luke, koji postupak je okončan Zaključkom Ureda za razmatranje žalbi Filijala Mostar broj :JN2-03-07-1428-6/21 od 24.06.2021.godine, nakon čega je nastavljen postupak javne nabavke.

Kriterij za dodjelu ugovora je najniža cijena.

Predmetni postupak provela je Komisija za javne nabavke, imenovana Odlukom broj 05-45-1-599/21 od 14.04.2021. godine. U toku postupka Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa članom 63. stav 5. i 65. stav 2. Zakona o javnim nabavkama.

U predmetnom postupku Komisija je utvrdila sljedeće:

U ostavljenom roku, blagovremeno su pristigle dvije ponuda i to od ponuđača Konzorcij „Grizelj - Group“ d.o.o. Sarajevo i „Hajdić“ d.o.o. Maglaj i Konzorcij „DKM Gradnja“ d.o.o. Maglaj i Instalaterska radnja „AQVATERM MONT“ Donji Ulišnjak – Maglaj. Neblagovremenih ponuda nije bilo.

Nakon pregleda i ocjene ponuda, a prije zakazivanja e-aukcije, Komisija je utvrdila da ponuda ponuđača Konzorcij „DKM Gradnja“ d.o.o. Maglaj i Instalaterska radnja „AQVATERM MONT“ Donji Ulišnjak – Maglaj, nije prihvatljiva iz razloga što ne ispunjava uslove koji se odnose na tehničku i profesionalnu sposobnost.

U Tenderskoj dokumentaciji u tački **3.4. Tehnička i profesionalna sposobnost, 3.4.1. Uslovi koje ponuđač mora ispuniti u pogledu tehničke i profesionalne sposobnosti** - Ponuđač mora ispunjavati sljedeće uslove vezane za tehničku i profesionalnu sposobnost: a) da je u posljednjoj godini dana (računajući od dana dostavljanja ponude) uspješno realizovao jedan ili više ugovora kao glavni izvođač čiji su karakter i kompleksnost isti ili slični radovima koji su predmet nabavke (između ostalog i izgradnja minimalno jedne fontane), a čija ukupna vrijednost je bila minimalno 71.794,87 KM (bez PDV-a).

Ponuđač Konzorcij „DKM Gradnja“ d.o.o. Maglaj i Instalaterska radnja „AQVATERM MONT“ Donji Ulišnjak - Maglaj je dostavio u ponudi Spisak izvršenih ugovora u posljednjoj godini sa pismom preporuke gdje radovi koji su navedeni **po karakteru i kompleksnosti nisu isti ili slični radovima koji su predmet nabavke.**

Dakle, Komisija je utvrdila da ponuđač Konzorcij „DKM Gradnja“ d.o.o. Maglaj i Instalaterska radnja „AQVATERM MONT“ Donji Ulišnjak – Maglaj, nije postupio u skladu sa tačkom 3.4. Tehnička i profesionalna sposobnost, odnosno 3.4.1. Tenderske dokumentacije, Uslovi koje ponuđač mora ispuniti u pogledu tehničke i profesionalne sposobnosti i tačke 3.4.2. podtačka a) Dokazi koje ponuđač mora dostaviti u pogledu tehničke i profesionalne sposobnosti, jer nije dostavio tražene dokaz iz navedene tačke .

Takođe je provjerom kompletne dokumentacije navedenog konzorcija utvrđeno da ponuđač nije dostavio traženu dokumentaciju iz tačke **3.4.2. Dokazi koje ponuđač mora dostaviti u pogledu tehničke i profesionalne sposobnosti, a koja se odnosi na podtačke f) g) i i).** Ponuđač nije dostavio traženu dokumentaciju.

Zbog navedenog Komisija za javne nabavke je konstatovala da ponuda ponuđača Konzorcij DKM Gradnja“ d.o.o. Maglaj i Instalaterska radnja „AQVATERM MONT “ Donji Ulišnjak – Maglaj, nije formalno pravno ispravna.

Preostala dostavljena ponuda od ponuđača Konzorcij „Grizelj - Group“ d.o.o. Sarajevo i „Hajdić“ d.o.o. Maglaj oblikom i sadržajem, upotpunosti odgovaraju traženim uslovima iz Tenderske dokumentacije.

E - aukcija nije zakazana iz razloga što je ostala samo jedna validna ponuda i to:

r/b	Naziv ponuđača	Cijena bez PDV-a u KM	Cijena sa PDV-om u KM
1.	Konzorcij „Grizelj - Group“ d.o.o. Sarajevo i „Hajdić“ d.o.o. Maglaj	71.779,00	83.981,43

U skladu s navedenim, Komisija za javne nabavke je dala preporuku rukovodiocu ugovornog organa da donese odluku kao u dispozitivu.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

Žalba se podnosi u tri primjerka, kako bi mogla biti uručena izabranom ponuđaču, Uredu za razmatranje žalbi i ugovornom organu.

Žalba se podnosi neporedno ugovornom organu, u pisanoj formi, direktno ili putem preporučene poštanske pošiljke.

Dostavljeno:

1. Ponuđači – putem maila
2. Služba za urbanizam, geodetske i imovinsko-pravne poslove
- 3.a/a



NAČELNIK OPĆINE
Mirsad Mahmutagić

